


明太祖平胡录

(外七种)

「明」陆深等著

明代野史丛书

北京古籍出版社



明代野史丛书

〔明〕陆深等著

明太祖平胡录
(外七种)

北京古籍出版社

图书在版编目(CIP)数据

明太祖平胡录(外七种)/[明]陆深等著. —北京:北京古籍出版社, 2001

(明代野史丛书)

ISBN 7-5300-0247-3

I. 明… II. 陆… III. 野史-中国-明代
IV. K248.045

中国版本图书馆CIP数据核字(2001)第2661号

明代野史丛书

明太祖平胡录(外七种)

[明]陆深 等著

*

北京古籍出版社出版

(北京北三环中路6号)

邮政编码: 100011

网 址: www.bph.com.cn

北京出版社出版集团总发行

新华书店经销

北京市朝阳区北苑印刷厂印刷

*

850×1168 32开本 11.5印张 180 000字

2002年9月第1版 2002年9月第1次印刷

印数: 1—4 000

ISBN 7-5300-0247-3/K·98

定价: 21.00元

总 目 录

明太祖平胡录·····	[明] 陆 深 等	(1)
武宗外纪·····	[清] 毛奇龄	(73)
天水冰山录·····	[明] 无名氏	(97)
铃山堂书画记·····	[明] 文 嘉	(243)
留青日札(节录)·····	[明] 田艺衡	(267)
民抄董宦事实·····	[明] 无名氏	(281)
董心葵事记·····	[明] 无名氏	(323)
震泽纪闻·····	[明] 王 鏊	(329)

明太祖平胡录

目 录

平胡录	[明] 陆 深(5)
平汉录	[明] 童承叙(16)
平吴录	[明] 吴 宽(23)
平夏录	[明] 黄 标(49)
北平录	[明] 佚 名(62)

平 胡 录

呜呼，元政不纲久矣，其乱亡之成，实自顺帝。帝之至元二年丙子，广东朱光卿、河南捧胡首难。光卿，增城人，与其党石昆山、钟大明聚众作乱，国号大金，改元赤符。时惠州民聂秀卿亦称兵，与光卿合。捧胡，陈州人，以烧香惑众，作乱于信阳州，破归德鹿邑，焚陈州，屯于杏冈。时四川合州人韩法师亦拥众作乱，称南朝赵王。寻皆讨平之。

四年戊寅，漳州南胜县人李志甫作乱，围州城，杀守将捌思监。袁州人周子旺作乱，称周王，改年号，亦败灭。

五年己卯，杞县人范孟杀河南平章廉访官，谋拒黄河作乱，官军讨诛之。

又明年辛巳，改至正元年，冬，湖广、燕南、山东兵皆起。道州人蒋丙、何仁称顺天王，而兵起者至三百余处矣。

至丙戌六年，汀州人罗天麟、陈积万起靖州。徭

人吴天保起，杀湖广右丞沙刺班，众至六万。明年丁亥冬，则沿江之兵皆起矣。

戊子八年，台州方国珍始据有土地，元乃以官啖之。

辛卯十一年，是岁徐寿辉称帝于蕲水，国号天完，改元治平。寿辉，罗田人，与倪文俊、邹普胜等，以红巾为号，攻城略地，建都设官属。栳城人韩山童以白莲会烧香惑众，倡言弥勒佛下生。颍州人刘福通，与杜遵道、罗文素、盛文郁、王显忠、韩咬儿复诡言山童实宋徽宗八世孙，当主中国，同以红巾起事。既而山童就擒，其妻杨氏及子林儿逃，福通等奉之，攻陷州郡，众至十万，而元不能制矣。李二号芝麻李者，又与其党赵均用、彭早住攻陷徐州据之。

壬辰，定远人郭子兴与其党孙德崖攻拔濠州据之。至十一月，均用称王，而子兴与德崖屈己事之。

癸巳五月，泰州人张士诚据高邮称诚王。十二月，郭子兴入滁州称王。

乙未十五年二月，刘福通以韩林儿称帝，国号宋，改元龙凤，都亳。七月，我太祖高皇帝起兵，自和阳渡江。

丙子正月，徐寿辉据汉阳。二月，张士诚据平江。二月，我师克金陵，改集庆路为应天府。三月，

我师克常州。五月，取宁国等路。八月，取扬州。十二月，随州人明玉珍据成都。

戊戌十八年三月，我师取建德路。五月，刘福通奉宋主韩林儿都汴梁路。十二月，我师取婺州。

己亥十九年三月，方国珍以温、台等三郡降于我。秋八月，刘福通以宋主走安丰。九月，我师取衢州、处州。十二月，陈友谅称汉王。

庚子二十年，汉王陈友谅弑大完主徐寿辉称帝于采石，改元大义，都江州。

辛丑二十一年，我师伐汉，据江州。

壬寅二十二年正月，胡廷瑞以南昌降于我。三月，明玉珍破云南，自称陇蜀王。

明年癸卯二十三年春正月，遂称帝于成都，国号夏，改元大统。是岁，张士诚称天祐元年。二月，士诚将吕珍入安丰，杀宋刘福通，我师击走之。七月，汉陈友谅围我洪都，我太祖帅师讨之。友谅败死，子理立。张士诚自称吴王。是岁，陈友谅知院蒋必胜、饶升臣等复陷吉安。

甲辰二十四年，我太祖建国号曰吴。是岁，汉主陈理德寿元年。二月，自将伐汉，理降，汉亡。

丙午二十六年三月，夏主明玉珍卒，子升立。四月，我师取淮安诸路。九月，取湖州诸路。十二月，

韩林儿卒，宋亡。

丁未二十七年，我太祖称吴元年。九月，我师伐吴，执张士诚以归，吴亡。十月，我师北伐，定中原。十一月，颁戊申历，方国珍降，我师克燕，元亡。

明年戊申，为我太祖圣神文武钦明启运俊德成功统天大孝高皇帝姓朱氏，国号大明，都金陵，改元洪武元年戊申岁，正月初四日也。

宋

宋主讳林儿，姓韩氏（陶九成记，本李氏子），栾城人也。诡称宋徽宗九世孙，号小明王，都亳，国号宋，改元龙凤元年（实至正元年乙未岁也），伪诏略曰：“蕴玉玺于海东，取精兵于日本。贵极江南，富夸塞北。”（初，宋广王走崖山，丞相陈宜中走倭，托此说以动众。壬辰年五月，徙瀛国公子赵完普于沙州，从御史彻彻之请也。时诸处兵起，皆以亡宋为名故也。）又曰：“虎贲三千，直捣燕幽之地；龙飞九五，重开大宋之天。”

先是至正庚寅间，参议贾鲁当承平时，锐欲立名以垂世，首劝丞相脱脱兴屯田更钞法。明年辛卯夏四月，复劝脱脱求禹故道开黄河，身任其事。濒河起集

丁夫二十六万余，河夫多怨。韩山童等挟诈阴凿石人，止开一眼，镌其背曰：“莫道石人一只眼，此物一出天下反。”预当河道埋之。掘者得之，相惊而从乱，旬月之间，众至数万人。（一云，先是河南北童谣云：“石人一只眼，挑动黄河天下反。”及鲁治河，果于黄陵冈得石如谣云。）

山童者，林儿之父也。母杨氏。山童祖父以白莲会烧香惑众，谪徙永平。至山童偶言天下大乱，弥勒佛下生，河南及江淮愚民，翕然信之。时颍州人刘福通等，与杜遵道、罗文素、盛文郁、王显忠、韩咬儿复倡言山童当为中国主，同起兵以红巾为号。县官捕之急，福通遂反，山童被擒，其妻杨氏与林儿逃之武安。福通据成皋，攻罗山、上蔡、真阳、确山诸县，寻犯武阳、叶县，陷汝宁府及光息二州，众至十万。

是时萧县人李二，号芝麻李，亦以烧香聚众，与其党赵均用、彭早住起淮安，攻陷徐州据之。均用称永义王。早住号老彭，称鲁淮王。八月，也先帖木儿击福通，复上蔡，杀韩咬儿。十二年二月，定远人郭子兴与孙德崖等称元帅，攻拔濠州据之。八月，元兵破徐州，芝麻李遁，赵均用、彭早住走濠州。十一月，均用据濠州。时徐州破，均用来与子兴、德崖合力拒守。兵已解，子兴、德崖愿屈己下之，而二人遂

为所制。既而早住死，均用益自专，遂据城称王。

龙凤元年二月，宋主称皇帝。刘福通等自礐山夹河迎林儿至亳，立为皇帝。以其母杨氏为皇太后，杜遵道、盛文郁为丞相，刘福通、罗文素为平章，刘六知枢密院。拆鹿邑县太清宫材建宫阙。遵道等各遣子入侍。时遵道专权，福通杀之，自为丞相，称太保。六月，我太祖起兵，仍称龙凤年号。十二月，宋主走安丰。元将答失八都鲁破福通，复驻汴，又败之于太康，遂围亳。福通以林儿遁走安丰。

丙申龙凤二年，至正十六年也。三月，我太祖克金陵。

丁酉龙凤三年，至正十七年也。二月，李武、崔德破商州，攻武关，直趋长安，三辅震恐。元将察罕帖木儿与李思齐连兵击败之。三月，毛贵攻破胶、莱诸州。贵，福通将也。八月，刘福通攻破汴梁，遂分兵略地。时关先生、破头潘、冯长舅、沙刘二、王士诚趋晋冀，白不信、大刀敖、李喜喜趋关中，毛贵据山东，其势大振。冬十月，白不信等破兴元，遂围凤翔，为李、察罕所败，与李喜喜皆遁入蜀。

戊戌龙凤四年，至正十八年也。三月，毛贵破济南，杀元右丞董搏霄。初，贵人据济南，立宾兴院，选用故官，分守诸路，又于莱州立屯田三百六十处。

时搏霄方驻南皮县，营垒未定，遂死之。搏霄字孟起，儒将也。是月，田丰破济宁，毛贵破蓟州。丰退保东昌，贵略柳林，逼畿甸，元征四方无入卫。五月，福通攻汴，守将竹真出走，乃自安丰奉林儿居之以为都。六月，关先生、破头潘等分兵二道，一出绛州，一出沁州，逾太行，焚上党，破辽州，晋、冀、云中、雁门、代郡，烽火数千里，遂大掠塞外诸郡而还。十二月，关先生转掠辽阳至高丽，焚毁上都宫阙。

己亥龙凤五年，至正十九年也。夏四月，赵均用杀毛贵，续继祖杀均用。继祖，贵党也，自辽阳入益都，相为仇杀。秋八月，察罕帖木儿兵复汴梁，福通复以宋主走安丰。

庚子龙凤六年，至正二十年也。夏五月，陈友谅弑主称帝。

辛丑龙凤七年，至正二十一年也。秋八月，察罕帖木儿兵胜，遣其子扩廓帖木儿捣东平，复为书招田丰及王士诚皆降。

壬寅龙凤八年，至正二十二年也。六月，田丰刺察罕帖木儿杀之。初，丰、诚降，察罕推诚待之，数入其帐中。时以十一骑行至丰垒，遂为士诚所刺，盖夙谋也。冬十一月，扩廓帖木儿讨田丰、王士诚，擒

之，取其心以祭父，执陈猱头等二百余人献元京斩之。

癸卯龙凤九年，至正二十三年也。二月，张士诚将吕珍引兵攻破安丰，杀福通，据其城。太祖闻之，率徐达、常遇春往击之，珍大败。时庐州人左君弼助珍，又击败之，珍、君弼皆走。三月，关先生余兵复攻上都，元将击降之。

甲辰龙凤十年，至正二十四年也。春正月，我太祖建国号曰吴。

乙巳龙凤十一年，至正二十五年也。

丙午龙凤十二年，至正二十六年也。冬十二月，宋主殂。

丁未，我太祖称吴元年，至正之二十七年也。

天 完

天完主讳寿辉，姓徐氏，一名贞一，罗田人也。至正十一年辛卯冬十月，僭称皇帝，国号天完，都蘄水，改元治平元年。

先是浏阳人彭和尚名翼，号妖彭，能为偈颂，劝人念弥勒佛号。遇夜，燃火炬名香，念偈拜礼，愚民信之。其徒遂众，思欲为乱，未有主也。会寿辉浴于盐塘水中，体有光怪，众皆惊异，遂立为帝，天下应

响。

寿辉本湖南人，姿状庞厚，以贩布为业，往来蕲黄间，然无他才能。姿性宽纵，权在群下，建空名耳。以邹普胜为太师，兵陷饶州，执魏中立；陷信州，执于大本：皆死之。（一云寿辉与麻城人邹普胜等以妖术阴谋惑众，举兵为乱，亦以红巾为号。《泰和志》分注：辛卯冬，红巾驻扎九江，江西省进兵守御。）

壬辰至正十二年，其治平二年也。春正月，陷汉阳郡。十四日，遣伪将丁普郎、徐明远陷汉阳及兴国府，邹普胜陷武昌，曾法兴陷安陆、沔阳。二月十一日，陷江州，总管李黼死之。黼字子威，汝宁人，泰定丁卯进士及第，与兄子秉昭俱死。三月，欧祥陷袁州，陶九陷瑞州，许甲攻衡州，项普略陷饶州、徽州、信州。闰月十三日，蕲黄红巾自江州直抵庐陵，攻破吉安，乡民罗明远复之。秋七月，袭杭州，董搏霄复之，遂复徽州。九月，陷吴兴、延陵。冬十月，陷江阴，兵自星岭关径抵余杭县。十月初十日入杭州城，四帅项、蔡、杨、苏，一屯明庆寺，一屯北关门妙行寺，称弥勒佛出世，不杀不淫，招民投附者署姓名于簿，府库金帛悉辇以去。先是寿辉遣项普略引兵掠徽、饶，猝至杭，城中无备，参政樊执敬御贼死